



碧城僊館詩鈔卷三

錢塘陳文述雲伯

月夜謁岱廟

嘉慶歲戊午元冥方司冬時惟十月望北遊經山東暮抵泰安郡蒼翠瞻岱宗明發不及登景仰心蟲蟲同行爲我言偕我趨靈宮初至遙參亭佳氣深鬱蔥蒼屏橫夜碧華闕祥煙籠金鋪啟朱門納陛深重重觚稜上棲爵夢椽迴眠虹飾瑤燦玉璧列錢銜金釭仰茲綽楔壯心懾神靈鍾五嶽此最尊餘者惟率從禮秩擬百王豈惟視三公劍佩肅皇儀袞冕瞻帝容廟祝導我前一杵鏗華鐘生平禱已久再拜昭虔恭秉燭照畫壁金碧明雙瞳青旄揚縹緲綵紫軼和玲瓏金神奉華蓋玉女調笙鏞中權列繡鷓前驅走靈靄千乘復萬騎蘭綺

碧詩三

一

交戈縱冠笏朝百靈偃僕立鞠躬彷彿帝時巡鹵簿陳肅雍陰廊繪百神武怒傑且雄亦有美如玉慈者顏和融地獄寫變相鬼物填青紅想見吳曹輩恍惚追靈蹤虛廷盛漢柏根柯如青銅虬枝蟠風雷不數秦皇松別牖森唐槐敝膚復裂胸垂蔭大逾畝花時清陰濃巨石色積鐵植立如摺笏何代所建置攷古疇能窮復有數奇石浮海乘天風扶桑上朝日曾挂將軍弓累朝重柴望屹立豐碑豐鬣鳳昂首負大書光熊熊其旁羅石碣光澤瑩磨礪頗有貴人詩字畫雕鐫工更轉右闔入拾級登崇墉巖巖氣象尊面對日觀峯徂徠及新甫拱立若附庸一氣走溟渤何況東西蒙餘峯不知名一一青芙蓉是夕月正望圓璧升天中倒影射光彩碧瓦金波衝

直上挂北斗七星當虛空紫氣騰鬱律上燭蒼精龍西南指
機槍兵氣纏華嵩軍書走荆襄羽檄交河潼維嶽鎮齊魯德
大功尤崇况以膚寸雲爲霖慰三農更望洗兵雨一銷秦楚
烽天子嗣寶位祭告精誠通青圭禮東方典視璧琬琮
御香肅明禋上與唐虞同一家盛禪代海寓醇化醲父老
正望 幸計日應東封願上相如文金泥麗高穹

紀夢

繡簾不捲護風稜刀尺聲停小院燈醉倚梅花弄疏影滿庭
寒月一池冰

夢中吹簫

一曲參差楚調哀三生幽怨託徘徊江寒赤壁蛟猶舞春去

碧詩三

二

朱樓鳳不來星影連天低碧樹月華如雪滿瑤臺漢宮爭誦
王褒賦金馬何人識異才

曉霜

乍覺征裘薄霜華滿客程寒隨雁聲下圓逐馬蹄生銷待初
陽見痕如澹月明沉吟板橋句詩境讓飛卿

燕昭王求仙臺遺址

碣石宮荒蔓草煙昭王當日此求仙心殷駿馬高賢外事在
秦皇漢武前易水風寒秋瑟瑟滄波月落夜娟娟蓬萊玉女
應無樣問到人間一惘然

落花

賸有閒情欲問禪乘鸞人去竟如仙但隨流水終歸海願化

香雲早上天
蚊虻重來春
是夢靡蕪老
盡玉成煙原
知薄命
畱難久
作意開時已惘然

最難拋擲最無聊
一賦閒情抵大招
芳徑春殘飛作雪
畫簾風細下如潮
鏡中小影描難似
衣上餘香浣不消
四壁銀燈半庭月
那堪坐憶可憐宵

鏡中飄瞥認前身
瘦卻闌干一段春
領略太疏原我懶
買栽無地爲家貧
空憐紅雨唵詞客
何處青山葬美人
重過芳園倍惆悵
畫樓零落網絲塵

飄落琴絃靜有聲
閒房尙許捲簾迎
濕經細雨眞無那
舞學迴風尙有情
數到華年悲小劫
銷完豔福抵三生
拚將一枕遊仙夢
訪爾香魂到碧城

碧詩三

鐵遂

三

梅根飛出仙雲黑
不鑄鐵簫鑄鐵遂
元冰一握朱唇寒
青天吹作芙蓉色
螺紋百結螺花鋪
秋星歷歷排明珠
昆吾夜斷瘦蛟脊
誰與作者來南圖
遂上款我聞中郎舊
截柯亭竹
寧王醉弄唐宮玉
秦庫昭華不可尋
房家玳瑁今誰屬
尺八何如鐵鑄成
水仙夜舞雌鳳鳴
江城楊柳不堪折
倚樓愁聽關山聲
草堂夜雨開金粟
淚痕洗盡湘江綠
鐵厓曾賦冶師行
玉山誰奏花遊曲
八月秋風下洞庭
魚龍夜伏暮山青
鐵心譜出梅花弄
吹與羣仙月下聽

香車

繡幃芙蓉飾華軒
翡翠裝畫輪
扶宛轉寶馬縮
昂藏金鈿嵌

原麗銅釘約最良梁榭覆氈毼木壓檳榔玳瑁千金軋菜
英百寶箱寬眞容膝屋穩比合歡牀屈戌雙頭扣流蘇四角
鷓六街平若水一路爛生光雲母東西障花枝左右望金盃
畱紺唾銀葉焚甜香蘭幙春雲熱桃笙夏簟涼雷聲喧夾岸
鏡影寫中央搖漾鞭絲活清圓鐸語琅玕見從西第出知是大
家粧緩緩迴華轂輝輝麗紫韉雙鬢認蛾綠半面露鴉黃坐
合趺文履慵應憶隱囊騎奴驕玉勒侍女豔明璫爭道塵沙
起聯鑣笑語忙行來碾芳草停處傍垂楊禮佛琳宮畔遊仙
玉道傍不須青犢駕儼似白鸞翔燈夕交如織花朝走欲狂
西冷油壁在舊夢那能忘

宮人斜

碧詩三

四

土花暈碧苔花紫白楊慘澹悲風裏幾年塔并葬娟嬋一片
香魂呼不起陵谷遷移怨未銷居人指點說前朝六宮銅輦
埋長恨一代紅顏賦大招憶從丹詔選良家御筆親封繫臂
紗百子門前人似玉九龍池畔影如花花嬌玉豔啼悽咽紅
淚壺冰成訣絕方期麗色重門楣豈知薄命銷顏色東望承
乾西翊坤玉顏多少總承恩離宮清暑冰紈豔暖閣焚香翠
被溫儘有容華矜絕代瓊樹芳姿絳仙黛無分黃金買畫師
牙牌甘列宮鴉隊分隸中宮與兩宮年年看老禁花紅辰牌
慣驗銅壺漏甲帳頻聽玉殿鐘弓影娉婷烏帽側香案前頭
曾侍直玉滴寒研銅雀冰紫羅暖裏香狸筆君王好道慕神
丹宰相青詞午夜看爲像天神衣繡甲更隨玉女禮瑤壇英

華別殿番經蠹連環錫振凌波步一炷胡香禮九蓮黃花開
落菩提樹奉御深宮幾度忙雞缸春酒鴨爐香玉芝門啟花
如雪金海橋迴月似霜月夜花晨常供奉西苑南臺舊陪從
烟火誰從貂帳看雨雲空向蠶宮夢夢裏春遊樂事多西宮
春暖正笙歌鐘聲抵死催人醒斜倚熏籠喚奈何內家更有
提鈴罰羅襪宵寒玉階滑太平聲繞苑牆行五更風雨三更
月亦有當年選侍人翠鈿珠樹受恩身金鑲不免蛾眉妬花
落空房有淚痕顛顛芳華易銷歇玉魚露冷春雲熱一樣深
宮奉至尊飛花墮溷誰憐惜病不禁秋損玉肌香消古刺斷
魂飛長庚門啟宮車出無復珠簾看水嬉兕棹犀釘易衰朽
玉匣珠襦復何有年年寒食泣東風一杯來酌中官酒春來

碧詩三

五

宿草長紅心玉瘞花蕪不可尋悽絕詞人語嗚咽長門更比
墓門深明徐鰲峯宮人斜句黃土如雲築邱壘一生未得君王寵爭及
霜眉御榻貓山陰特起虬龍冢塔顛零落夕陽騰蕭寺荒寒
冷佛燈憑弔玉鈎還悵望昌平風雨十三陵

紅闌

紅闌四面碧陰斜酒後閒情入斷霞小院風微人不見滿身
香雨落槐花

摺扇

梵字銀絲嵌冰紋碧鈿裝疊疑裙摺縐舒似錦帆張筠擘湘
娥淚筓調月姊簧芳規傳海國巧樣擅餘杭雁翅排來密犀
釘約最良製侔蕉葉潤價並白團昂佛國金經紙仙人綠玉

章生綃工貼翠豔色奪流黃入貢芙蓉闕揮毫芍藥堂流蘇
分縹綵玉墜繫琳瑯翰墨書仙債烟雲畫院忙丹青摹北宋
香雪仿南唐可代紅牙拍堪爲玉尺量春風出羅袖半月舞
霓裳我有新紈扇曾藏紫錦囊美人貽雜佩豔曲寫明璫障
面羞眉黛支頤染汗香夢回時傍枕粧曉代招涼瓊樹花雙
幅珍珠字幾行聚頭徵吉語纖手稱輕颺簾影深深院苔陰
曲曲廊風前揮蛟蜺水上逐鴛鴦秦女乘鸞去班姬啟匣藏
傷心粉痕在怕檢縷金箱

讀吳澹川關中草

橐筆秦川賦壯遊青天直上古雍州手攀神嶽三花樹足濯
黃河萬里流立馬關門開曉日題襟幕府讌高秋咸陽自古
稱形勝十萬旌竿倚戍樓
蒼茫弔古獨登臺落日平原四面開東闕蒼龍齋相字西都
金馬賈生才苔荒古殿耕殘瓦水落昆池浣劫灰六輔三原
皆寂寞河山如此劇堪哀

碧詩三

六

建章宮樹接甘泉平視終南俯渭川別館明星祠玉女高臺
鉛淚下銅仙春花杜曲兼章曲古月秦年更漢年繡礎無存
殘碣少青苔蔓草總生煙

路入驪山御道長殘甍猶認古宮牆遊仙人去唐昌觀飲鹿
槽空虢國莊碧草春埋雙鳳輦蓮花秋冷九龍湯惟餘繡嶺
還依舊一杵鐘聲動夕陽

五陵風景舊豪華走馬章臺大道斜俠客三更灞陵雪才人

二月曲江花橫鞭莫問崔盧宅挾彈誰尋李趙家賸有城南
酒壚在秋風黃葉聽琵琶

百首新詩馬上成高秋橫筵作邊聲芙蓉小字題仙館楊柳
河橋紀客程東閣琴尊空四座南樓風月抵三生尙書已死
賓朋散迴首秦川未洗兵

送金手山旋南

風雨鳳城秋君行不可畱蘆溝萬楊柳吹雪滿船頭余亦思
歸去江南有畫樓客中先送別望遠不勝愁

七夕

齊啟紅牕望碧霄祇嫌天上路迢迢憐他靈鵲眞辛苦擬喚
長虹作彩橋

碧詩三

七

銀燭光中繡帳開碧天雲影亦徘徊癡心欲向嫦娥問看渡
雙星第幾回

曾游滄海泛靈槎認得璇璣傍水涯乞取銀河洗兵馬征人
十萬早還家

涼雨瀟瀟暗畫羅今宵靈匹會如何年年離別應經慣底事
依然灑淚多

終年一水隔盈盈難把金梭織別情世上女兒休更乞誤人
從古是聰明

一別青鸞盼後期紅樓枉自驗蛛絲幾能償滿天錢債免得
年年怨別離

薛素素挾彈圖

鳳釵壓髻花圍領單衫結束纖腰整省識前朝薛潤娘生綃
誰寫娉婷影構李城邊路狹斜傾脂河畔美人家枇杷晝靜
銅鑲掩春水鴛鴦泛落花十能並擅真無敵吹竹彈絲並奇
絕就中挾彈技尤精僚九羿射無顏色翠袖微搵雪腕擎柘
弓如月彈如星斜飛春雨明珠影破碎裂秋冰斷竹聲玉鞭繡
鐙青絲轡五陵俠客容聯騎走馬歸來酒半酣每將小婢鴉
黃試玉帳牙旗上將壇貂蟬恩寵李征蠻特從別院開金屋
最愛專房對玉顏桃花顏色芙蓉面畫圖海內流傳徧南方
宣慰西陽彭揮盡千金慳一見東風花謝海棠紅非雨非雲
舊夢空羊氏無人畱靜婉石家房老說翻風凡心懺盡皈依
佛半偈蓮花暮水月小字金函一卷經猶是尙書少年筆鍼

碧詩三

八

神繡綾校書賤瓊樹風流望若仙少日豔情憐我晚生平絕
技問誰傳黃華小巷春如埽南朝金粉於今少畫眉斑管況
工詩烏絲曾寫南游草我願黃金鑄彈丸眼前羅綺似君難
燒燈爲續江都句題傍雲鬢著意看

燕姬行

燕京女兒美如玉凝脂一片嬌新浴燕京女兒顏如花斷紅
雙頰勻朝霞如花如玉豔傾國黛染蛾眉檀暈的胭脂山下
是兒家絕代芳華好顏色雲鬢新樣內家妝翠鳳雙花作兩
行琳瑯寶珥垂肩重綵繚宮袍拂地長便房曲折風簾護響
屨空廊宜細步對鏡親將芍藥簪埽牀時有檳榔吐螭螭領
滑膩芳蘭雪白吳綾護曉寒臂上睡痕珠絡索口中花氣玉

連環桃花顏色芙蓉面烏鞞翠帽尤輕便
媵媵真宜馬上看
娉婷更憶車中見馬上車中影最嬌
祇應一顧一魂銷
生憐酒畔迴青眼
慣聽花前奏絲腰
五陵年少輕離別
闌干玉筍當筵濕
箏篋聲中憶遠人
茫茫青海秋
飛雪黃羊行
炙玉盤珍手點
駝酥塞上春
試譜延年新樂府
北方從古出佳人

秋夜琴聲曲

銀河夜靜聲珊珊
流雲洗出白玉盤
秋風無賴吹羅紈
冰絃生澀凝夜寒
美人纖手一再彈
瀟湘水急生微湍
秋心恍惚來無端
仙之人兮乘青鸞
或塞芙蓉紉幽蘭
金鸞花樹搖團團
紅冰濕露衣裳單
桐陰漸轉金井欄
青天碧海生微歎
參橫斗轉夜向闌
老烏啼上青琅玕

碧詩三

九

旅店和壁間湘江女史詩

盧溝一度抵重關
此後行程祇等閒
詩帶秋聲纔耐聽
愁如春草未容刪
晨征慣誤荒雞早
歸夢應先旅雁還
惆悵珍珠數行字
湘江明月憶紅顏

附原作

寒生客館掩重關
度盡深宵事事閒
報喜燈花開易落
鐫愁詩草蔓難刪
半牕月影鄉心起
一枕雞聲旅夢還
車馬漸紛人又起
怕臨青鏡照塵顏

新月

新月似蛾眉
娟娟寫素秋
流光最清淺
照見旅人愁
明鏡纔開匣
疏簾恰上鉤
歸期定知未
和影話高樓

在平弔馬周

新豐獨酌感閒身
讜論千言氣獨伸
賴有將軍能薦士
當年宰相是何人

東阿弔陳思王

弔古思王子人傳
八斗文章鸞有翩
身世鳩爲媒恩重
悲三徙心孤寫七哀
銅臺空作賦羅綺半飛灰
鄴下人文盛應劉託古歡
芙蓉公子怨其豆弟兄難
江海憐鰕鮒芬芳惜桂蘭
西園舊明月流影至今寒

無窮家國事託與洛川神
解珮誠先達凌波意待伸
微詞同宋玉知己是靈均
金枕原無夢何勞賦感甄

忠義三良感才名
七子尊死生期報國
車馬憶歸藩
濟水經荒郭
魚山對墓門
無因問遺族
惆悵舊王孫

碧詩三

十一

魚山神女曲

青山隔烟澹眉嫵
幽澗潺潺學人語
叢鈴碎珮不成聲
白雲如絲織秋雨
澄潭水碧花離離
陳王墓前春草稀
軟風吹波皺
空碧靈香夜染芙蓉衣
斷徑無人濕寒翠
白鶴梳翎得仙意
巒嶂高寒敞畫屏
石上青苔古皇字
紅珠滴露滋幽蘭
碧沙瑟瑟非人間
東峯圓月貼寒玉
照見十六雙垂鬟
古洞陰森闕靈鑰
碧海傳書托靈鵲
弦超去後智瓊孤
一聲清梵雲中落

月夜行黃河隄上

黃河隄上征車行
黃河隄下寒流平
夜色沉沉萬籟寂
蘆花

風急秋潮生明月蒼茫出天頂雲開照見黃河影西風猶獵
吹客裘滿地霜華馬蹄冷如繩秋雁雲中來忽然墮地鳴聲
哀木葉隨風渡河去秋心對此空徘徊此水茫茫東入海此
月悠悠幾千載閱盡東西南北人惟有清輝古今在眼前人
物誰雄豪所思不見心煩勞河上曉煙作雲起斜月漸落明
星高

徐州道中懷古

一劍爭秦鹿英雄起草萊斬蛇餘大澤戲馬失高臺芒碭真
人氣韓彭大將才重瞳終可惜泗水有餘哀

舟中見紅葉

紅葉江南路寒知昨夜霜扁舟遲水郭秋色滿斜陽雲外山

碧詩三

七

千疊風前雁幾行故園知漸近不復賦懷鄉

雨中過鶯脰湖

無端篷背響瀟瀟雪色銀魚正上潮好景眼前誰寫得扁舟
微雨畫眉橋

讀上海女史歸佩珊詩稿

絕代青蓮筆名媛此大家幽懷清到雪仙骨豔成花待月垂
銀押看雲臥碧紗烏絲三十幅信手寫薑芽

春紅照冰雪讀到燭花銷小住隣三島斯人似六朝清音泛

瑤瑟佳耦得文簫我欲題詩去明珠托海潮

問花樓畔月兩大競詞壇

集中與梅卿女史
倡和之作甚多

翠袖同依竹芳

心各寫蘭一雙銀屈戌十二畫闌干想見聯吟處寒花坐晚

寒

擁髻

擁髻談深小閣虛春燈紅淺暈流蘇不知牕外團圓月白到
梅花第幾株

春閨

畫眉啼徹曙紅淚濕春衣送郎馬蹄去夢與落花飛

女兒酒歌

女兒酒如女兒嬌鶯黃一片春欲消女兒酒如女兒豔紅暈
燕支波激灩越中生女顏如花越中釀酒濃如霞嫁衣未裁
酒先熟應識嫁時香更足酒爲女兒釀名亦呼女兒二八芳
年作新婦三五圓月應佳期雙龍玉瓶瀉春碧絕似女兒好
顏色鬱金之味蘇合香更與女兒同芬芳酒人一見開口笑
如見女兒正年少花前一飲三百杯更呼女兒來謝媒

一枕

一枕高樓夢迴廊識謝家涼生臨水竹月上隔簾花晝燭催
斟酒垂鬟學鬥茶門前烏柏樹白曉怨啼鴉

春夜

春星斜轉紅樓角銀葉香消玉漏催一片天西殘月影萬花
齊上碧紗來

送遠曲

澹川將之揚州四香蔣山將旋吳門作此送之
雨絲織水湖影平落花無語各送行燕子初來客初去峭帆

目斷江南樹送君去思君來陰廊三日生莓苔莓苔生眾芳
歇長相思夢飄警蘇臺草揚州月

雨中牡丹

綠暗雙龍鏡紅銷百寶闌天香憐夜雨國色怨春寒清淚啼
金粉愁心寄玉盤相思眠不穩自起翦燈看

阿蘧曲

東寺花幢梵聲起馬蹄逸矣平章死千秋遺恨泣韶顏一片
清冷橋下水段家九葉擅雄才親爲梁王百戰來已見紅軍
歸蜀道俄聞玉女降秦臺秦臺明月夜當午燭暗雙花聞笑
語蒼山嵐暖鬱朝雲洱海波春蒸暮雨雨雲暮暮復朝朝翠
被濃香夢不消甲帳健兒橫鐵篋丁簾侍女按琉璃甲帳丁

碧詩三

三

簾行樂地魚腹有人傳錦字鴛鴦獨宿亦無慘屏帷春雨悲
捐棄七星關外認歸程舊侶難忘故劍情孤坐肉屏聽鐵立
果然小別抵三生碧雞金馬無傳箭重來祇爲新婚戀方幸
蛾眉百歲齊誰知雀胆中宵變願共雙飛返故林夜深苦口
說丁寧可憐兒女更番勸爭奈英雄不肯聽來朝聞變驚魂
碎黃泉雖誓身難代佛塔烟中哭鬼雄蠟磯心事真無奈雲
片波潏弔影孤雁門夢斷泣鳴鳴從臣更惜楊淵海靈草難
尋押不蘆西師重襲仍難制呼救空勞走書幣虎子難堪此
日言狙公應悔當年計已卜天心眷建康眼看走死笑梁王
菜坪華岫知何處春草殘基弔夕陽玉案山平險難控花暗
銀稜亦如夢南征望重潁川侯不容故事依唐宋祇有僧奴

志不移復仇心事託題詩至今金齒江山外尚有烏蠻說繡旗

送張子白大令之官甘州

臯蘭山畔黃雲流雲中白月照涼州短衣躍馬此間去落花
吹滿西南樓張君張君好懷抱十載浪遊真草草男兒作達
萬里輕才人落拓一官小江南四月芳草多一聲鐵篴吹邊
歌黃河西去玉關近美人消息今如何贈君詩酌君酒人生
聚散夫何有洗兵雨過秦隴平送君折盡河橋柳紅蘭畫閣
長相思迴文夜織流黃機燕支會寄好顏色木葉關山秋雁
飛

夏日雜詩

碧詩三

十四

迴廊低抱曲池圓一縷微生水際煙落月輕黃清露碧藕花
香動晚涼天

桐影疏疏竹影遙便教不雨亦瀟瀟夢回忽訝月痕綠牕外
一叢新種蕉

水牕低傍畫闌開枕簟蕭疏玉漏催一夜雨聲涼到夢萬荷
葉上送秋來

高臥閒庭送夕曛誰家玉簫枕邊聞一彎眉月不知處半是
青天半白雲

夜風涼透碧羅衣池上香生暑氣微知是鴛鴦眠未穩藕花
影動水螢飛

秋意分明透越羅蘋花小榭水微波銀濤萬里天空闊海上

風涼更若何

欖槍睽睽斗邊橫蜀道頻年未洗兵
絡緯夜啼天似水月中愁聽擣衣聲

題王石谷仙掌雲氣畫卷

白雲飛不斷縹緲最高峯秋色渺何處
青山失幾重瀑橫千尺雪練亞六朝松
天地洗清曠歸來行雨龍

小青曲

情天小劫罡風起片片飛花紅著水
零膏冷翠盡成煙美人甘爲傷心死
傷心花命薄於雲絕世才華絕代人
佛肯慈悲憐錦瑟仙因綽約惜羅裙
妬婦津頭風又雨倉庚難療胭脂
虎邨知妾不羨鴛鴦啼聲信語知何苦
遠遂衰秋帶雨聽斷

碧詩三

五

腸一卷牡丹亭白花紫玉悲前世
絮果蘭因懺此生花開雪滿湖西路
一杯自酌蘇娘墓閣門深鎖綠陰牀
知是他年埋骨處冶服明妝玉樣溫
碧天人遠澹無痕畫師可有傳神手
寫出亭亭倩女魂鏡潮紅濕芙蓉醒
檀炷香銷梨汁冷淒涼自弔畫中人
夕陽一片桃花影如此蛾眉最可憐
西冷芳草葬嬋娟姻緣領略人間世
莫乞他生並蒂蓮

芙蓉曲

芙蓉花開秋水波芙蓉花落愁奈何
鯉魚風起江水碧染出芙蓉好顏色
煙中拍拍飛鴛鴦折花女兒空斷腸
花枝影雙入影獨回頭羞見鴛鴦宿

張鸞玉印歌

涼州一斛蒲桃紫鑿空身經三萬里漢家郎將此奇才論功
西域疇能比忽見當筵玉一方白虹騰影爛生光篆紋細認
西京字更爲開邊說武皇武皇當日矜威力詔書繹絡通諸
國將軍頻出令居西材官疊戍輪臺北奉使惟君最出羣艱
難萬死立奇勳丹心夜熱天山雪壯氣秋凌瀚海雲稜稜紅
沫生芒角土花蝕字凋寒綠想見河源占募時一拳親拭昆
侖玉迹徧河西更海西流傳小物亦稱奇星溟定向仙槎挂
月窟曾同漢節攜玉關近接金城地畿番破虜隨驃騎索馬
先懸毋寡頭迴軍早斷匈奴臂遺智何堪學奉春最憐失計
是和親一聲黃鵠翻新調我爲籌邊惜此人桂膏紅奪燕支
色話到奇功倍珍襲合傳無端並貳師銘勳未許齊堂邑踞
促中年感壯遊摩挲古物弔千秋漢廷俊傑知多少祇憶當
時博望侯

碧詩三

去

題勝朝彤史拾遺記

榆翟輝煌副六珈團圍寶扇月生華夢中曾數青蓮瓣天上
虛開玉李花龍殿曉燈親黍稷蠶壇春雨問桑麻勝朝家法
傳開國恩澤先教抑外家

慈孝稽闡起化原璇題端合署堯門名山萬歲扶雕輦令節
千秋奉玉尊內則傳詩宮誠切外廷議禮諫書繁東朝數有
愴懷事兩泣珠襦薦寢園

承乾西向翊坤東彤史流傳記六宮燈影巧開金匱匪佩聲
長斷玉玲瓏深宵戲祕髹盆蟀密誓書殘鉅合蟲別有秋衾

銅輦夢紫簫淒咽月明中

涼到秋風百子池牙牌小隊解題詩別開永巷名安樂新勅
仙師號靜慈芳印綢繆寒蟬臂玉鈎憔悴葬蛾眉飛花莫抱
長門怨紅石銀錢一樣悲

讀明武宗外紀

白龍入夢鏡分明草草遊畋過一生塞外旌旗三衛部禁中
燬火四家兵金璫自領中軍隊玉敕親加上將名莫道君王
不威武馮牙當日說南征

星急黃封道路譁後車隨意選名花三朝舊典刪宮正六店
微行愛狹邪齊主無愁原有曲漢王重色竟忘家脫簪玉貌
眞傾國一夜盧溝返翠華

碧詩三

七

宣府爲家樂未休浮江又見下龍舟但聞故相儲書進空有
諸臣諫疏畱夫婦行香春禮佛君臣賭酒夜藏鬪瑤池黃竹
星霜換入駿虛傳穆滿遊
輪臺遺詔亦淒涼內傳分明記武皇因果枉勞三世問繁華
肯信六朝荒天池風雨歸龍馭夜月笙歌冷豹房畱與千秋
作殷鑒祗今絃索譜詞塲

宣德古刺水歌

春山花氣凝仙露一甌古水前朝鑄玉斧何年記劃河金滄
當日勞飛渡淮甸龍飛海寓平六師分道命南征繡旗傳檄
梁王走水落昆池洗甲兵擺古遙通馬龍甸從此朱波歸郡
縣九隆不數漢家開六詔猶傳唐代建宣慰分符職貢多名

香應不減芬陀土官鄭重金牌勘驛路郎當白象駝六宮晝
靜春風暖玉纖小試金盆浣一著羅衣香不消君恩較此知
深淺甲煎龍涎未許誇明珠結乳玉生華涼宵間話還方事
蠻女如雲採百花定知水亦非凡境不汲龍潭汲寶井比著
綢繆印較新玉顏一滴春冰冷中朝勳戚沐餘芳恭順家曾
有禁方枕頂溫磨傳世廟御衣小炷說純皇翫物精良復何
有哥窰梅冶都名手鴨鼎濃熏篤耨香雞缸淺酌蒲桃酒香
柏城遙控麗川威名黔國鎮窮邊黃封續進洪熙歲金縉先
頰永樂年五行妙理金生水赤金爲表黃金裏鑄成細字辨
毫釐三百年來亦如此聽雨樓高易斷魂當時曾否入權門
沉吟天水冰山錄欲乞名香爲爾熏瀾滄里青蛉戍香濃

碧詩三

六

還恐薔薇妬當年載筆問誰家南都尙憶春橋顧流落人間
歲月徂深宮舊事夢華胥此中便似銅仙淚一代金甌似此
無

碧城僊館詩鈔卷四

錢塘陳文述雲伯

湘宮人折花曲

蘭幙掩流蘇，珠牕間了鳥華燈。暗蛸膏沉烟息，龍腦碧殿濕螢多。玉樹啼烏早，銅輦夢同時。月落湘宮曉，宮裏曉粧人。娥娥紅玉春，畫眉螺黛淺。注的麝黃勻，髻重暗遮霧髻。嬌輕掠雲芳年，自珍惜。顧影獨含顰，含顰復含怨。徘徊玉堦畔，迴頭睂紫釵。振袂鏘瑤鈿，柔枝顫細腰。高葉攀芳腕，桃鬢立共齊。蘭氣吹相亂，花下語流鶯。紅芳散落英，羅屏飛蛺蝶。玫瑰砌上蜻蜒斑，竹淚空滴巫山雲。不行守宮還似昔，脉脉不勝情。柳絲分燕尾，弱絮吹還起。嬌細不勝風，歸坐紅牕裏。灼灼合歡枝，艷艷雙連蕊。簪向玉臺前，明鏡如湘水。

碧詩四

湖上遇雨

南峯北峯水雲起，裏湖外湖涼意生。萬荷葉上雨聲至，柔櫓一枝煙際行。

水面亂跳萬綠珠，打篷如豆雨脚麤。羅衣太薄禁不得涼風，颯颯吹菰蒲。

雨後泛月

雨雲收盡天空青，峯頭月出湖底明。湖心一亭秋水上，瓊田四面琉璃平。櫓聲如鴈劃寒碧，扁舟疑向空中行。藕花香靜白，鬼窟水風花氣吹。冷冷羣山黯澹若殘畫，惟見寶所一塔天邊撐。誰家短篷蒼遙浦，漁燈影澹沉秋螢。眾星三五不盡識，匹練耿耿銀河橫。碧筒紅露傾酒榼，花觚綠雪開茶鎗。客

心悄然萬籟寂海門隱隱寒潮生月湖本較雨湖好况此雨
後秋涼輕瓊樓玉宇渺何處思驂鸞鶴游瑤京參橫斗轉月
漸落南屏一杵鏗鐘聲

范素君水閣塗粧小影

梁園詞客倦遊還消得閒愁祇玉顏聞道鏡湖明似鏡眉痕
青寫越中山

梅雨蘇州暗館娃吳粧新樣暈朝霞闌干一片燕支水紅上
芙蓉並蒂花

白蓮

迴文白石塘亞字紅闌曲春波澹連空秋水明於玉楚楚白
荷花輕風吹素霞香泥生藕小碧蓮裁葉遮瑟瑟瀉珠露亭

碧詩四

二

亭隱玉沙仙人綺素裳隱約昔邪房艷態嬌鬟飾羞顏紅粉
粧流紋蕩華帔白壁裁明璫臨風如欲語水珮翩翩舞根成
連理枝蕊簇同心縷采采獨含愁嬌嬈出畫樓銀塘水無際
碧波花亂流迢遞蓼花渚浩蕩木蘭舟秋風吹夢斷明月滿

西州

畫屏士女

聲聲姑惡夜中哀千里廬江去不回一自東南飛孔雀至今
雲影尙徘徊蘭芝

輕薄登臺怨趙王兒家夫婿侍中郎玉顏婉孌冰心苦一曲

銀箏陌上桑

羅敷

夢隔黃河水一涯明駝十載送還家沙場百戰橫戈夜如此

英雄卻姓花 木蘭

拋殘舊譜委芳塵金谷香銷草不春玉篴一聲花萬片傷心

怕說墜樓人 宋禕

湖水盈盈繞石頭美人打槳蕩輕舟莫愁兩字空珍重一片

春潮我亦愁 莫愁

左右花枝最有情渡頭雙影總盈盈青溪倘有行三妹合與

桃花署小名 桃葉桃根

笙鶴瑤天自在行道家粧束亦娉婷簪花書法遊仙意手寫

靈飛一卷經 玉真公主

一函唐韻玉題標紙上香濃總不消日暮青山同跨虎求仙

祇願作文簫 吳彩鸞

碧詩四

仙貌如花枉自嬌雲情入夢亦無聊青衣不作隨風絮我欲

吳綾繡綠翹 綠翹

絕代蛾眉此賞音才人遭際美人心我詩不願旗亭唱爲有

紅牕細意吟 雙鬟

綠珠玉笛

血花沁紅土花碧一聲入破仙雲裂千秋古玉口脂香云是

當年綠珠篴雙角山前汲井華白州原是舊兒家明珠十斛

猶嫌少房老爭看第一花天生夙慧眞眉嫵紅閨手製新翻

譜自憐玉指按玲瓏一片香塵萬花舞爭奈繁華逝水流齊

奴步障眼前收美人甘爲將軍死萬點燕支泣畫樓此篴應

知錦囊護定教弟子親攜去天顏一笑六宮愁何年玉匣歸

陵墓世事升沉有變遷蘭亭又見出人閒偶逢花發思金谷
聽到燈殘憶玉顏沉檀薰櫝勞珍襲換來豈但千金直莫向
尊前奏落梅怕教花墮紅香濕

可莊題壁

西冷橋畔路煙水好漁磯老樹畱鴉宿前山見鶴飛晚風長
篷起細雨畫船歸秋氣深紅蓼微波冷葛衣

落葉

芙蓉水榭記停橈沽酒人迷舊板橋古道日斜隨客騎滄江
風急點寒潮行來野鹿喧苔碱聽到哀蟬感玉簫惆悵蘇娘
樓畔路垂楊如雨夜瀟瀟

湖船雅集贈蘭箴校書

碧詩四

四

媼姪意態不凡才油壁車看柳外來扶上畫船廻一盼滿湖
雲影盡徘徊

當筵唱煞鬱金裙風約衣香四座分怪道昨宵微雨過雙峯
畱得美人雲

酒痕容易上雲衣鷄枕春屏舊夢非一曲流珠歌小海四山
紅葉作花飛

螺丸細膩寫蛾眉空谷幽芳未許知秋水自憐堪照影芙蓉
花下說相思

坐對青山倚畫橈流波不定聽吹簫生來愛識團圓字怕說
廻船過斷橋

斜陽無賴送歸鴉酒後殘粧艷晚霞絮語丁寧邀過訪百花

池巷是兒家

奢香曲

羅甸國主宣慰妻金碯玉砮居水西四十八部受約束軍中
凜凜瞻繡旗高皇龍飛起淮甸萬里來歸先革面遠道年年
貢乘黃龍駒汗血馳飛電錦衣玉貌像天人帳部爭傳娘子
軍洗氏風流今再見威行諸部息邊塵馬家旗鼓聞諸國號
令應從築城識據鞍原抱伏波心欲開交阡平微側措置乖
方邊釁挑竟將裸撻窘嬌嬈分明驟雨催花碎不惜驕陽炙
雪消當年若鼓諸蠻起從此西南多事矣善全難得有劉娘
走向九重訴天子看徧宮花萬樹紅恩深更許拜中宮南人
不反將軍誤都在君王燭照中代矢忠誠心不二頃刻馳書

碧詩四

五

走飛騎一紙賢於十萬師片言立召奢香至綏靖羅夷職固
然君恩難報總如天願教重關黔東路免使人歌蜀道難尺
書閩外將軍召虬髯怒植蛾眉笑東市朝衣壯士悲南方故
壘流人吊重開赤水接烏蒙黔蜀從今舊路通九驛龍場馳
四馬子孫世世守孤忠繼世仍聞安氏立從征不復天威懾
會城萬仞築連雲么麼敢笑羶衫疊何妨小謫慰夷情壯志
當年枉請纓豈獨馮藍泣冤獄汝家慣自壞長城

送王椒畦還崑山

君是維摩詰風流見一斑銜杯送涼月燒燭畫春山官閣梅
花放扁舟瘦鶴還吳雲吹漸遠憶子玉峯間

後湖舫雅集贈鳳徵校書

畱照蛾眉月一痕獨教鸚鵡語黃昏兒家住處宵纔識不隔
清溪恰對門

峭寒輕襲鷓鴣裘玳瑁重簾掩畫樓親叩銅鑲催早起芙蓉
花下看梳頭

鳳眸一顧最魂銷三疊霓裳急暮潮愁煞梧桐搖不定秦臺
明月願吹簫

穀紋照影水生香白紵紅牙樂未央一抹青山漸催暮人閒
無賴是斜陽

小樓

軟語親從月下聽碧紗黯澹隔疎櫺小樓已讓他人住夢斷
春山兩點青

碧詩四

寓感

罡風吹散碧天霞日斷高樓問謝家曾送香車歸北燭空尋
仙籙憶東華洞房親種紅梔子水榭微吟白藕花記向簾錢
堂下見春雲一半尙垂鴉

當年兩小各無猜乳燕尋簾日幾回畫閣許窺金作屋明粧
宜稱玉爲臺長因乞巧筵前見曾侍簪花會上來瑣事從頭
總堪憶嬋娟誰似不凡才

親學唐詩教綠鸚吳粧溫軟楚腰輕脩眉澹寫初三月小字
新排第五名佳節中堂都拜母花前莊語祇呼兄屏風曾寫
朝雲影其奈聰明畫不成

中年哀樂感蛾眉又謝東風第一枝香冢春泥仙姥宅桃花

寒食女郎祠月難留影三生夢錦欲成灰四字詩欲採白蘋
薦秋水碧雲日暮悵來遲

縹雲石歌

查伊璜孝廉樸園中石卽吳六奇自粵東運至者事
詳孝廉所撰樸園記及鈕琇觚賸石今在海鹽縣

停雲不散吳天碧人指前朝孝廉宅高臺已盡曲池平一拳
猶賸珠江石珠江節鉞領樓船控制東南海外天讀到粵觚
奇雪遶才人軼事說當年當年海內誰奇傑鐵可錚錚真似
鐵風塵偶爾識英雄雲烟過眼隨飄瞥閉門祇願老柴荆入

夢梅花識有靈

孝廉有梅花識院本

半壁江山分黨局詔書甘謝小朝

廷宏光南渡以兵科給事中徵不就

興亡轉眼悲朝暮偶然五嶺遊蹤去花

碧詩四

七

首臺高峽蜨飛此來原爲羅浮樹小隊郊迎帳部陳馬前低
首拜逡巡誰知百戰威名將卽是當初乞食人妻孥尙食躬
行酒傾心自訴銜恩久不慚太白識汾陽豈但淮陰酬漂母
幕府森嚴擁戟門園林有石立斜曛生平最抱襄陽癖兩字
淋漓署縹雲是時史案消無迹封章也出將軍力興盡還歌
歸去來玉筵驪歌畱不得直下西江萬里船歸來甲第忽巍
然材官鄭重將軍意十頃還增下澗田意中一石驚依舊飛
來眞箇同靈鷲親題殘墨尙依然天風吹得仙雲縹別墅西
州路不遙守門無鶴任人敲一株古樸前朝樹午睡常分鶴
半巢微波水榭閒畱客譚詩說劍邀前席花底流杯慣鬥茶
竹閒傳響催行炙孝廉居樸園中客至有所需輒以竹筍傳聲入厨下須臾豐饌羅列皆以大瓢自澆

浮至檻下主客互取之終席不見一婢僕見樓圍記四種新翻院本精哀絲豪竹寄閒

情沉憂尙抱靈均意媵婿親排十些名孝廉自莊史案被釋後肆意笙歌家伎悉

以些名之楚就中蝶粉尤嬌旖畱仙裙褶湘江水按圖索驥些柔些尤美

怨東平綠珠不教樓前死泣別甘拋舊舞衣愴懷最是阿義

歸銷魂欲死尊前意觀色成空悟後機酒邊立遣蛾眉散隨

風處處飛花片祗餘石友老空山雲根深鎖芙蓉院蝶粉孝廉家伎

貌美東平侯強索去妹阿義從行侯妻妬蝶粉因母之間道乃使阿義歸報東平侯旋伏法家亦藉沒蝶粉不知所終孝

廉因是散遣聲伎西子湖頭水又波開堂講學意如何剪鏡手定門

人錄我惜孤忠沈似蘿孝廉晚年講學於吳山之黃泥潭杭郡守爲置几席五百沈似蘿見門人

小錄乙酉死郭溪之難晚年無賴耽禪悅紅閨同證無生訣白業青鏡

古佛前西風吹得頭如雪夫婦俱就禪悅重入春明感寂寥曲師老

碧詩四

八

大亦無聊尋常燕玉矜豐艷見慣司空興不豪順治初孝廉入都馮猶龍

買數姬爲贈不稱意快快歸左徒身後荒園暮重來燕子雕梁誤石不能

言也愴神繁華閱盡鳴鴻度鳴鴻度孝廉院本四種之一萬竅玲瓏瘦骨

寒尙餘老物未摧殘蔣家樂府風流甚袍笏還宜再拜看

蘇小小墓

野田空水碧粼粼秋草秋瓜黯不春油壁車輕尋舊路錢塘

語熟認鄉親西陵松柏心空結東晉鶯花夢作塵不信雙桃

金井畔埋香曾此葬佳人

駕湖曲

春波漲桃花春風析楊柳楊柳舞翩翩明璫小垂手垂手畫

橋邊飛花送客船浪花吹作雨水氣幕成煙疑煙更疑雨綠

髻誰家女兩漿捷如飛玉腕輕搖櫓香草采汀洲
擧芳上畫樓闌干紅不斷煙雨滿樓頭樓頭卽湖
面水深看不見何處動離情伯勞與飛燕水意亦
徘徊鴛鴦煙際來波開浴蘋葉沙淺啄莓苔穀紋
隱前渡鴛鴦雨中去花落不辭枝風吹合歡樹鴛
鴦復鴛鴦雙飛宿畫梁數來七十二兩兩自成行

學繡里

手汗涇金針唾花濕紅縷聞道湖邊學繡人猶是
溪頭浣紗女浣紗人去湖水香家家都學吳宮粧
春來侍婢買金綾羅巾祇繡雙鴛鴦

傾脂河

春城處處嬌簾櫳傾脂河畔垂楊濃吳宮美人曉
粧處至今

碧詩四

九

春水臙脂紅美人去後波瀾瀾家家水閣臨河起
梳頭仍傍畫闌干春來徧是胭脂水

梅花樓

芳亭眞合署紅羅春到庭除長綠莎香雪滿身人
小立梅花樓畔落花多

王府基是張士誠故宮遺址

紅軍兢起元運亡天日不照姑蘇張平江百戰太尉
死舊時宮殿今荒涼草澤英雄起屠販赤手開基無
尺寸李潘何必遜徐常十八騎當十八萬南橫江浙
北據淮指顧王氣金陵開當年若使善乘鬣中原逐
鹿眞英雄哉龍潭一敗威先懾坐鎮從容惟目曉
虛心空築景賢樓用事惟聞王蔡葉名流亦

有吳與陳躉居幕府不典軍鏡崖金粟皆走避何況命世非常人一朝運去西風起戰血橫流太湖紫碧鷓鴣畔陣雲低烏龍嶺上鼓聲死五砦六寨空自高赤龍船作赤壁燒九四意氣信崛強不學錢俶師隗囂齊雲樓閣層雲上蛾眉蟬髻紛相望綺羅一炬同報君卯金殉義尤悲壯吁嗟乎古來成敗皆由天天心未定知誰賢高皇一劍起淮泗豈料開基三百年羣雄擾擾眞憐汝殘基猶爲悲離黍月明鬼弔七姬墳城頭人話三興土

月夜聽史文香校書度曲

雙影春燈照畫筵朝霞和雪十分妍花飛玉屑香脣綻紅暈脂痕笑靨圓艷到雲容明似月吹來蘭氣澹成煙尊前領取銷魂意多少閒愁到酒邊
從來國色有光輝盛鬢豐容似爾稀明鏡自憐梳子艷羣芳都讓牡丹肥重簾不卷春雲駐四壁無聲白雪飛一曲遊仙歌未竟萬花吹滿五銖衣

碧詩四

十

果然史鳳最娉婷鷓鴣枕蓮燈許躉經檀板一雙敲紫玉畫樓三五指明星柔情似水和愁訴軟語如花倚醉聽我比馮生更僥倖流蘇拂面臥春屏
白月窺人照綺櫳滿庭春霧澹空濛心香灰冷銷金鴨畫燭花寒地玉蟲跌宕可能同素素聰明眞不讓紅紅來朝便掛孤帆去臨別題詩記雪鴻

桃花塢訪唐子畏墓

鶯鶯燕燕春風酣風流才子誇江南墓門荒草冷白石居人
尙說桃花庵桃花菴畔桃千樹明霞吹滿橫塘路胭脂紅雨
濕青苔曾是斯人結廬處憶昔斯人方盛年煙花文酒互流
連自將佳句頭銜署天上閉星地上仙盛名照耀驚塵俗海
內英流都刮目傾襟老輩說王吳同心良友稱文祝祈夢遙
尋九鯉祠一囊龍劑古喻廩文通彩筆昌黎篆不許前人獨
擅奇院體丹青精繪事然脂慣寫嬋娟意紅閨想見愛才人
濃笑書空作唐字應俗文章舊有聲哀然舉首冠羣英榜頭
第一尋常事不信居然意氣盈才人放浪終非福蛾眉太好
生謠詠金銀識氣笑徐經鬼蜮含沙怨都穆慷慨悲歌醉幾
場放歸從此托伴狂關心小說婚姻案肆意名流翰墨場多

碧詩四

十二

事王門苦羅致應羨衡山卻書幣此人原是一狂生陰謀肯
預淮南計幸免昆岡劫火焚甘心玩世老吳門三生禪榻新
塵夢一卷窮途舊淚痕百丈遊絲牽偃偃花月聯吟亦豪放
金盞香濃大白浮玉筵詞工小紅唱金粉篇曾賦六朝玉樓
空說舊詩豪雪中高唱蓮花落草草畱題壯氣消繁華福地
吳趨里琅邪祇合爲情死酒肆酣眠李謫仙歌樓持鉢韓夫
子沉醉東風倚碧紗牡丹香重麗情奢藥闌東畔親埋玉卮
首新詩哭落花山塘七里雙橋渡月下嘗騎白驪去風雨愁
過妬婦津鶯花獨弔徐娘墓才人難得美人憐賃廡傭書閱
歲年閒向蕉牕尋小錄人間真有笑姻緣世傳秋香事蕉牕
隱雜錄備載之
徵中呂神人巧去日苦多來日少不信坡翁遷謫詞竟成處

士龍虵兆愁絕星河一雁秋騎鯨人去冷荒邱春山埋骨知
何地仍傍臨街舊日樓一角殘碑土花綠好事當年聞宋玉
墓前仍種萬桃花翦茅更結花閒屋虎阜前番憶問津題名
曾識劔池濱滿山寒雪松林路更憶桐橋乞食人夢墨亭空
秋樹擁魂來不傍要離塚仙掌孤墳弔柳卿青溪遺宅悲江
總聞道荒園尙姓唐感君遭際惜君狂一尊空酌長洲土桃
樹無言自夕陽

顧橫波梅花硯爲蔣青荃題

春雨簾櫳玉押垂烏絲細膩賦紅絲美人心跡如冰雪一瓣
花題一首詩

璧月飛瓊夢未闌鏡中國色泥朝寒曉粧小注金壺墨半寫

碧詩四

三

修蛾半畫蘭

合歡新樣製香螺圓暈應教侍女磨曾見桃花紅一幅親題

小字署橫波

一雙斑管鏤紅牙飛絮微吟說謝家何處新詩題最徧沂湖

煙雨聖湖花

額點含章短夢春愛花真合署花神一庭香雪濛濛月憶爾

粧臺寫韻人

疎影寒香暈墨痕春雲同膩玉同溫桃花顏色梅花骨硯背

摩挲日幾番

六朝金粉此仙才翠屨綃衣麗鏡臺羨爾一雙鸚鵡眼當年
飽看玉人來

名印流傳跡未孤，祇宜架筆伴珊瑚。江南大好收藏地，我憶青溪識小姑。

月夜泊京口登北固山望江

暮江凝不流水，天橫澹白月。上海門樹照見孤舟客，明星列三五。離離巨圓壁，微聞浮玉鐘。清響破空碧，荒壘空齊梁。人世幾變革，睠言英雄人。風花盡陳迹，浮雲無古今。江流自朝夕，明發早潮生。去去廣陵驛。

雪中過紅橋

玲瓏玉樹冷棲鴉，多少紅樓隔水涯。一路畫簾寒不卷，隔牆香出白梅花。

隋宮遺址

碧詩四

三

大業垂楊盡雷塘，墓草秋當年遺勝蹟。此地亦迷樓海內，方殷富江都樂宴遊。中原集眷鍾南畝，失鉏耨發難推懷靜前。驅有叔謀丁男通汴水，甲士達邗溝。王氣開應斷長江水，不流一椎驚力士。雙壁返雷侯宛轉，河傳曲淒涼。水調謳後宮，聯鳳舸。帝子御龍舟，舳艫黃衣挽艨艟。錦纜收翠華，移畫艫。金檝蕩輕艘，殿腳花真麗。宮腰柳更柔，離宮開晉苑。別館接秦郵，珠細簾波晃。香濃霧縠浮，荒唐慕秦漢。制度狹殷周，薩水更番戰。長城次第修，紫河增壁壘。青海訪驩驢，鐵杖黃衫沒。珠旗素錦綢，將軍化猿鶴。蕃部笑獼猴，仙枉求臨朔。臺空弔薊邱，重來心更蕩。此後願難酬，珍玩連絛貢。嬋娟繹絡求，矮民進王義。巧匠得何稠，香製檀蘭飲。星馳郡國，饑扶芳進。

吳郡嘉實獻瓜洲織手名花艷長蛾黛色羞圍屏銅作鑑安
輦玉爲軸寶帳酣春夢橫波散古愁心惟憐繾綣臂合印綢
繆國色今生怨宣華舊恨畱兜鍪念蟻蝨朝暮學蜉蝣已竭
寰中髓空悲鏡裏頭綵牋雙騎勅銀箭五更籌玉李春千樹
紅梁醉一甌瓊花沉洞府夜月怨篋篋西苑春空好東都夢
早休鴉啼春樹老螢散廢垣幽金粉埋黃土蘼蕪冷玉鉤六
朝勞結局惆悵古揚州

謝太傅故宅

圍棋賭墅興縱橫千載猶傳太傅名江左風流推宰相中年
哀樂爲蒼生老夫自著東山屐兒輩能驅北伐兵畱得南朝
遺宅在廣陵風雨夜鐘聲

碧詩四

十四

梅花嶺拜明督師史閣部墓

國步倉皇日權奸播弄秋偏安天半壁作鎮古揚州閣部眞
人傑當年抱壯猷廬池曾破賊秦楚共分憂報國心徒切勤
王志未酬中興寧擁戴宵小肆機謀不得雷姜佐偏逢馬阮
儔東林先報復南渡且優遊四鎮需調劑三軍敢逗遛龍蟠
惜基業鳳泗哭松楸閩外烽纒靖中宵骨漸收旌旗移鶴鎮
忠義感瓜洲士卒同甘苦炎涼卻筭裘酒惟下鹽豉臥亦著
兜鍪經畧開諸屯艱難仗二劉孤臣空有淚天子自無愁歌
舞春燈夜鶯花小部謠名閨搜粉黛宮史印綢繆久已忘家
難追能恤國讎有人工掣肘無計借前籌聞將亡龜虎殘疆
走鹿麀心傷無指臂眼見失咽喉江左朝廷小中原事業休

戰場埋碧血，烽火照骷髏。正氣星辰在，丹心日月留。前生文
信國盡瘁，武鄉侯義士甘同死。將軍亦斷頭遺書。昭代重
諫疏，史臣求水雪花千樹。江山上一邱墓，門容再拜灑淚過
邗溝。

大雪泊露筋祠

前日雪中來，今日雪中去。扁舟衝峭寒，回首康山樹。
露筋祠下泊，老樹歸鴉還。日暮一尊酒，不見淮上山。

琴高池

晚波綠徧涇流尾，琴魚春滿琴溪水。石臺四面桃花開，親見
仙人控赤鯉。涓彭術成何所求，此閒汗漫曾來遊。空潭深入
取龍子，水底醉臥三千秋。愧我塵容不堪照，碧玉清冷想垂

碧詩四

五

釣冰絃颯颯飛，秋聲月夜疑。聞水仙操

紫陽觀訪唐女道士邊洞元升仙處

跨鶴驂鸞去，若煙始知蓬島有神仙。士人不嫁崔羅什，寒女
真同謝自然。九轉丹成應出世，五銖衣薄易升天。紫雲樓閣
都零落，人世於今又幾年。

擬宮中行樂詞

瓊笈繡宮史，瑤池選麗人。漢皇金作屋，秦女羽爲輪。結佩紉
梔子，簪花續秘辛。玉顏誰第一，領袖六宮春。

鳳扇雲同啟，蛾眉仗對排。春迴蝴蝶袖，花簇牡丹鞋。畫册金
泥字，芳名玉篆牌。東皇邀一顧，低首拜瑤階。

國色明於玉，宮粧麗似花。一雙眸顧鳳，十五髻垂鴉。石葉熏

華薦金燈照鈿車內人親記注淑質出良家
翡翠盤花帽鴛鴦上繡袍筆抽斑竹管箏按紫檀槽宛轉窺
蘭鏡綢繆印桂膏春深如意館不數鄭櫻桃

守宮槐

尋常溫樹未應同別有仙槐號守宮金屋晝長花麗毅玉階
春靜樹玲瓏芳心宛轉銷蛾絲小字綢繆暈桂紅水殿雲房
三十六枝枝深鎖月明中

誰從禁苑譜羣芳吹散葳蕤靜有香玉臂舊痕嫌蜥蜴銅溝
新瓦護鴛鴦珠簾影下人初困銀箭聲中夜正長爭似閨房
小兒女合歡一樹種青棠

幾番催放可憐宵不管繁華管寂寥芳萼半含羞荳蔻清陰

碧詩四

十六

不展學芭蕉春風玉樹開三殿夜月瓊枝怨六朝望幸心情
誰得似吳宮頰與楚宮腰

不共芳蘭亞鳳簪絲絲縷碧雲深玉魚夜朗懸金鑰銅輦
秋寒夢繡衾方鏡水銷宮女膽長門花落美人心無聊又聽
紅鸚語竹葉羊車別院臨

紀夢

白雲無際畫檐浮簾捲蛾眉兩點秋夢裏不知身是客滿天
風雨獨登樓

登蒼屏樓

天涯難得覓同遊人海茫茫有此樓花影冷環三徑靜雁聲
寒壓萬家秋登臨各有浮沉感身世誰無俯仰憂一筵西風

二分月凭闌重憶古揚州

樂條記向盧溝別不上斯樓已兩年黃葉漸疎秋雨後青山
仍繞畫簾前山中萸菊懷諸弟江上莼鱸悵各天曾與淮南
共題壁相思第一是瓊嬈

歲暮寄懷曼生

記得河樓別春山正落梅君仍聽官鼓我尚滯燕臺寒夜悲
歌苦鄉心短景催遙知微雪裏官閣又花開

歲晚登樓望關山半落暉故人憐遠道遊子念寒衣樹老慈
烏喚天空斷雁飛旅懷如中酒爭得不思歸

書至挑燈讀珍珠字幾行爲言曾雅集念我在他鄉華燭人
如玉紅樓月似霜遊仙空有約此願幾生償

碧詩四

十七

倚劍悲歌起蒼茫百感侵鶯花兒女夢風雨弟兄心同調期
千古深情抵萬金春明有佳約期子共長陰

哭仲弟壽蘇

四海蒼茫一子由謝庭花落不禁秋青山埋骨君長往白髮
驚心我獨愁風雨寒燈悲客館江湖春水夢歸舟深宵起向
空庭立一慟天河接淚流

少日文章已出羣可憐薄福是聰明大招碧落魂難覓小集
金荃著未成慘澹世緣艱一第支離病骨耐三庚傷心尚有
名心在兩字紅牙署再生

一夕秋聲斷雁行西風揮淚哭他鄉三千里外空回首廿七
年來此斷腸池草綠銷尋夢地燈花紅冷讀書堂最憐余季

曾刳臂瘦腊艱難尙畏瘡

弟病方劇季弟謙谷到借利藥以進而卒不起痛哉

此事居然到眼前求醫禱佛枉經年孤兒向後皆吾事遺稿
他年定汝傳入夢祇應同隔世封書何處達重泉人生修短
眞何事呵壁荒唐欲問天

浮名驅我復何之話別牀頭最可悲握手早防成永訣安心
強自說歸期天涯迢遞眞無奈弱症纏綿那可支澹墨欷斜
淚重疊篋中畱得贈行詩

秋老長安木葉疎羈愁終日感離居迴腸繞徧啼蠻夜噩夢
頻驚雁到初經歲羈棲遊子恨萬行血淚老親書無窮深痛
難終寫蜀國哀絃恐未如

小除夕同人集蔡浣霞寓齋祭詩

碧詩四

六

清酒一斗花一枝長安詩人來祭詩滿堂華燭啟芳讌篆煙
裊裊縈翠鳳李杜去今已千載風雲月露常如斯騷壇管領
代有主妙處豈讓前人爲我生就吟久成癖往往索句忘朝
飢有時吟苦忽不樂投筆而起心吁噦既不能江山花月事
遊覽又不得金戈鐵馬恢雄奇徒然雕鐫造化剗肝腎墨花
亂洒千烏絲人言吾筆有神腕有鬼興酣落筆心焉知座上
詩人我盡識風流儒雅皆吾師或如金粟影莊嚴七寶天人
姿或如萼綠華五銖輕颺霞綃衣湘娥宓妃各幽艷蛇神牛
鬼紛肝睢神之來兮羣靈隨侍從冠劍森威儀神之去兮颺
輪馳鞭鸞駕鳳乘虬螭再拜酌以黃金卮一聲爆竹驚隣兒

